



NOVARVM INSV-

LARVM DESCRIPTIO. Infinitus ferè est numerus nouarũ insularũ, quæ post annũ Christi 1490. usq; in hunc diem ab Hispanis sunt inuentæ. Insigniores sunt, America, Cuba, Hispaniola, Frâcisca, Terra florida &c. America ab Americo inuentore nomen est sortita, qui anno Christi 1497. ex mandato regis Castilię illã intrauit, appellaturq; propter magnitudinẽ suam Nouus mundus. Et habet plures adiacẽtes insulas, nempe Parianã, Hispanam, quæ & Offira, Iamicam, quæ & Iamaica & Lamia, Cubam quæ & Fernandina, Iucatanam, quam incolæ Eccampi uocāt, Cozumellã, quæ & sanctæ crucis, Isabellam, Spagnollam, in qua lignũ Guaiacum inuenitur, cuius usus est cõtra morbum gallicum. Incolæ Americę mares & fœminæ omnes nudi incedunt, uiuũtq; in summa libertate, nullũ habentes regem aut dominum. Nulla iura aut iustitiam seruant, nec parentes filios docent aut corripũt. Arcu & sagittis pugnant cõtra confines suos alienæ linguæ. Inueniunt enim in istis insulis multę & uarię linguæ. Domus eorum sunt cõstructę instar campanarum firmiter ex magnis arboribus solidatæ, palmarum folijs desuper cõtecte, aduersus uentos & tempestates tutissimę. Diuitiæ eorum sunt uariorum colorum auium plumę & calculi quos ex piscium ossibus lapillisq; uiridibus aut candidis faciunt, & ornatus gratia ad genas uel aures suspendũt. Viuunt ex radicibus, fructibus, herbis & uarijs piscibus. Carent farre & omni grano. Cõmunis pastus est, arborea quædam radix, quam comminuunt in farinam satis bonam. Carnibus nõ utuntur præterquam hominum. **PARIAS** sub tropico Cancris sita est. Et est prouincia illa multum amœna fructiferaq; maximis syluis plena, quę omni tempore florent. Est & populosa & dẽsa uarijs animalibus syluestribus, præsertim auibus diuersorum colorum. In insula Ity nuncupata, homines nudi quoq; incedunt, & corpus uarijs coloribus pingunt, uarijsq; uolucrum pennis adornant.

CANIBALI seu Canibales ultra equatorem habitãtes, crudelissimi sunt homines, quippe qui uicinos homines captos abducunt, mactant & comedũt. Notandum hic, Americã ab alijs uocari Hispanam, quam Christophorus Columbus anno Christi 1492. primus inuenit, & postea Americus quoq; inuentam inuissit. Dominica insula, Dominica die reperta, & hinc sic denominata, inculta est, densis arboribus obducta. Insulam Canibalorum Hispani Guadalipeam, incolæ uero Grachanam nocant. Insulam Sanctæ crucis incolæ uocant Ayay. In Hispaniola 28. torcularia referuntur erecta, quibus magna saccaricopia extorquetur.

